

## **Immatigut avatangiisinik mingutsitsinaveersaarnissaq pillugu inatsit naapertorlugu nalunaaruteqartarneq pillugu nalunaarut <sup>1)</sup>**

Immatigut avatangiisinik mingutsitsinaveersaarnissaq pillugu inatsimmi § 39, § 61, imm. 1, § 62, tak. inatsimmut nalunaarut nr. 47, 7. januar 2008-meersumi, kingullermik allanngortinneqartoq § 3-kkut avatangiisinik mingutsitsinaveersaarnissaq pillugu inatsisip aamma inatsisit allat assigiinngitsut allanngortinnerani inatsit nr. 507, 17. juni 2008-meersumi, §26, § 44, imm. 1 aamma 3, aamma immatigut avatangiisinik mingutsitsinaveersaarnissaq pillugu inatsisip Kalaallit Nunaannut atortuulersinnissaanik peqqussut nr. 1035, 22. oktober 2004-meersumi § 45, naapertorlugit aalajangerneqarpoq:

### Kapitali 1

#### *Nalunaaruteqartarneq*

**§ 1.** Manna nalunaarut malillugu nalunaaruteqartarnissaq oqartussanut pisassaaq aamma periaaseq §§ 5 aamma 6-imi aalajangerneqarsimasoq malillugu.

**§ 2.** Umiarsuarmi naalagaq, silaannakkut angallammi naalagaq, puttasuliatut sulliviliami pisortaq imaluunniit sullulimmi aqutissami akisussaasoq piaartumik nalunaaruteqassaaq, umiarsuarminngaanniit, silaannakkut angallaminngaanniit, puttasuliatut sulliviliaminngaanniit imaluunniit sullulimmi aqutissaminngaanniit imaarsisoqarpat imaluunniit kiversaasoqarpat, imaluunniit imaarnissaanut ulorianaateqartoqarpat, inatsimmut akerliusumik imaluunniit taanna naapertorlugu malittarisassaliarinqarsimasumut, imaluunniit inatsisip § 58-iani pineqartumut. Puttasuliatut sullivinnut, sullivimmi pisortaqanngitsunut, nalunaartussaataaernermut pisussaaffik puttasuliatut sulliviliamut akisussaasumiippoq. Aammattaaq piaartumik nalunaaruteqartoqassaaq apornerni qanorluunniit pisuni, naqqanut attoqillannermi imaluunniit ikkarlinnermi, soorlu ikuallannerup, qaartoqarnerata, maskinat imaluunniit atortut ajoquteqarnerisa kingunerannik, umiarsuup imaluunniit puttasuliatut sulliviup sanngorissusaanut sunniuteqarsinnaasumik, imaluunniit pissutsit allat peqqutaallutik imaarnissaanut ulorianaateqartoqarpat, tassunga ilaalluni

- 1) pinngoqqaatinik ajoqusiisinnaasunik poortorneqarsimasunik imaarnermi imaluunniit imaarsisoqassappat, tassunga ilaalluni pinngoqqaatit taamaattut containeriniittut, tankini nuunneqarsinnaasuniittut, aqqusinertigut angallatiniittut aamma qimuttuitsuniittut aamma umiarsuarni prammieniittut, imaluunniit
- 2) umiarsuarmi 15 meteriusumi taannaluunniit qaangerlugu takissusilimmi ajoqusernermi, kukkunerme imaluunniit ajalusoornermi
  - a) umiarsuup isumannaatsuuneranut sunniuteqartoq, ilanngullugit, killeqaranili apornermut, naqqanik attoqillaanermut, ikkarlinnermut, ikuallannermut, qaartoqarnerut, umiarsuup sananeqarneranik ajoqusernermut, immannermi, usit nikinnerannut, imaluunniit
  - b) umiarsuup sumiissusersiornerata isummannaatsuunissaanik ajornerulersitsisumik, kinguneqartumik aqunneqaataata ajoquteqalerneranik imaluunniit ajutoorneranut, siumukartaataanut, innaallagialersorneranut, aamma umiarsuarnut tunngasunik sumiissusersiornermut atortorissaarutaanut taakkununngaannarli killeqarani.

*Imm. 2.* Umiarsuarmi naalagaq, silaannakkut angallammi naalagaq, puttasuliatut sulliviliami pisortaq imaluunniit sullulimmi aqutissamut akisussaasoq piaartumik nalunaaruteqassaaq, umiarsuarminngaanniit, silaannakkut angallamminngaanniit, puttasuliatut sulliviliaminngaanniit imaluunniit sullulimmi aqutissaminngaanniit uuliamik imaluunniit pinngoqqaatinik imerpalasunik ajoqusiisartunik kuuttoqarnera paasineqarpat, tassunga ilaalluni pinngoqqaatit ajoqusiisartut aamma atortut kuunnerat, poortorneqarsimallutik angallanneqartut.

*Imm. 3.* Umiarsuarmi naalagaq, silaannakkut angallammi naalagaq, puttasuliatut sulliviliami pisortaq piaartumik nalunaaruteqassaaq, umiarsuarminngaanniit, silaannakkut angallamminngaanniit, puttasuliatut sulliviliaminngaanniit taakku isumannaatsuunissaat eqqarsaatigalugu, inuit inuunerat annaanniarlugu imaluunniit umiarsuup, silaannakkut angallatip imaluunniit puttasuliatut sulliviliap imaluunniit taakku atortuisa ajoqusernerata kinguneranik imarmi imaajaasoqarpat imaluunniit ikuallaasoqarpat inatsisip § 58-ia naapertorlugu.

*Imm. 4.* Imm.1-3 malillugu piaartumik nalunaaruteqartarnissamut pisussaaffik aamma umiarsuarmik, silaannakkut angallammik, puttasuliatut sullivimmik imaluunniit sullulimmi aqutissamik piginnittumiippoq imaluunniit atuisumiippoq.

*Imm. 5.* Imm.1-3 malillugu piaartumik nalunaaruteqartarnissamut pisussaaffik aamma umiarsuarmi imaluunniit puttasuliatut sullivimmi ilisimasortamiippoq.

*Imm. 6.* Umiarsuarmi naalagaq piaartumik nalunaaruteqassaaq, danskit sineriaannik imaluunniit imartaannik mingutsitsinermik kinguneqarsinnaasumik imaani pisoqassagaluarpat, tassunga ilaalluni imarmut pinngoqqaatinik mingutsitsinartunik imaarsineqarpat imaluunniit imaarsisoqarnissaannut ulorianaateqartoqarpat.

*Imm. 7.* Aamma umiarsuarmi naalagaq piaartumik nalunaaruteqassaaq, immap qaanut mingutsitsinartumik aniasoqarnera imaluunniit imarmi tissarlummik sarfaatitittumik paasisaqartoqarpat.

*Imm. 8.* Taakkunanga §§ 7-10-mi taaneqarsimasunik paasissutissanik taamaallaat nalunaarutiginnittoqassaaq, umiarsuarmut, silaannakkut angallammut, puttasuliatut sulliviliamut imaluunniit sullulimmi aqutissamut pineqartumut attuumassuteqarpata.

**§ 3.** Avatangiisinik ajoqusiisoqartillugu imaluunniit ajoqusiisoqarnissaanut aarlerinartoqartillugu, takuuk inatsimmi § 47a, umiarsuup, silaannakkut angallatip, puttasuliatut sulliviliap imaluunniit sullulimmi aqutissaliap ingerlanneranut akisussaasumiippoq, takuuk inatsimmi § 47b, avatangiisinik ajoqusiinerup imaluunniit ajoqusiisoqarnissaanut aarlerinartup piaartumik nalunaarutiginnissaa.

*Imm. 2.* Imm.1-3 malillugu piaartumik nalunaaruteqarnissamut pisussaaffik aamma umiarsuup naalagaata, silaannakkut angallatip naalagaata imaluunniit puttasuliatut sulliviliap sulliviata pisortaata akisussaaffigaa.

*Imm. 3.* Umiarsuarmik, silaannakkut angallammik, puttasuliatut sulliviliamik imaluunniit sullulimmik aqutissaliamik piginnittoq paasisaqaruni, imm. 1 imaluunniit 2 malillugu nalunaaruteqartoqarsimangitsoq, tamanna pillugu piaartumik nalunaaruteqassaaq.

*Imm. 4.* § 3 tunngavigalugu nalunaaruteqarneq § 2 tunngavigalugu nalunaaruteqarnermut ilanngunneqarsinnaavoq.

**§ 4.** Umiarsualivimmi siulersuisut piaartumik nalunaaruteqassapput, umiarsualivimmi uuliamik imaluunniit pinngoqqaatinik imerpalasunik ajoqusiisartunik kuuttoqarnera paasineqarpat, tassunga ilaalluni pinngoqqaatit ajoqusiisartut aamma atortut kuunnerat, poortorneqarsimallutik angallanneqartut, aamma imarmik mingutsitsisoqarnissaanut ulorianartoqarpat. Umiarsualivimmi siulersuisoqanngippat, umiarsualivimmut akisussaasoq nalunaartussaataavoq.

§ 5. §§ 2 aamma 4 naapertorlugu nalunaaruteqarneq Søværnets Operative Kommandomut pisassaaq. Søværnets Operative Kommandop puttasuliatut sulliviliat aamma sullullit aqutissaliat pillugit nalunaarutit Miljøstyrelsimut ingerlateqqissavai. Kalaallit Nunaata imartaata avataani imarmi, tassunga ilaalluni aningaasarsiornikkut imartami, nalunaaruteqarneq Grønlands Kommandomut pisassaaq.

*Imm. 2. § 3* naapertorlugu nalunaaruteqarneq Søværnets Operative Kommandomut pisassaaq. Avatangiisinut tunngassuteqartunik nalileeqqaarani Søværnets Operative Kommandop nalunaarut Miljøministeriap miljøcenteriinut Århusimiittumut, Odenseimiittumut aamma Roskildemiittumut ingerlateqqissavai inatsisip kapitaliisa 14a-va malillugu suliarisassanngorlugu. Nalunaarut nassiuuneqassaaq miljøcenterimut nunap immikkoortuani, suliassanik pisinnaatitsissutinillu By – og Landskabsstyrelsenimut aamma Miljøministeriap miljøcenteriinut inissiisarneq pillugu immatigut avatangiisit pillugit nalunaarutip ilanngussartaani allassimasumi.

*Imm. 3.* Aningaasarsiornikkut imartami danskilluunniit imartaata avataani nalunaaruteqarneq oqartussanut piginnaasunut naalagaaffimmuut sineriaa qaninnerpaajusumiittumut pisinnaavoq. Umiarsuarmit, sulliviliaq puttasuliamit aamma sullulik aqutissiamit nalunaarnerit sinerissami raatioqarfik qaninnerpaq aqutigalugu imaluunniit aqut, piffissami tassani nalunaaruteqarnissamut sukkanerpaajusussaq atorlugu pissaaq. Silaannakkut angallatinit nalunaarneq silaannakkut angallannermut kiffartuussiveqarfik aqutigalugu pissaaq, qaqugukkulluunniit silaannakkut angallatip attaveqarfigisaatigut.

*Imm. 4. § 2, imm. 3-mi* pissutsini taaneqartuni nunani allani oqartussanut nalunaartoqarsimappat, kiversaaneq imaluunniit ikuallaaneq aamma Søværnets Operative Kommandomut nalunaarutigineqassaaq kingusinnerpaamik sapaatip akunnerata kingorna, kiversaanerup imaluunniit ikuallaanerup pineraniit. Søværnets Operative Kommandop puttasuliatut sulliviliat aamma sullullit aqutissaliat pillugit nalunaarutit Miljøstyrelsimut ingerlateqqissavai.”

§ 6. Nalunaaruteqarneq raatiukku, oqarasuaatikkut imaluunniit aqut, piffissami tassani nalunaaruteqarnissamut sukkanersaajusoq aqutigalugu pissaaq. Taamaattorli nalunaaruteqarneq § 5, imm. 4-mi pissutsini taaneqartuni allakkatigut imaluunniit e-mailikkut pisinnaavoq.

§ 7. § 2, imm. 1-imi pisuni taaneqartuni nalunaarneq imaqassaaq paasissutissanik tamanik, § 5-imi oqartussat taaneqartut pisumut naliliinerannut sunniuneqarsinnaasunik, tassunga ilanngullugit paasissutissat uku pillugit

- 1) umiarsuup, silaannakkut angallatip imaluunniit puttasuliatut sulliviliap aqqa, angarlarsimaffia aamma nunat tamat akornanni raatiukku attaveqarnermi taaguutaa,
- 2) umiarsuup, silaannakkut angallatip imaluunniit puttasuliatut sulliviliap qanoq ittuunera aamma usitussusaa,
- 3) usit suussusaat, annertussusaat aamma inissisimanerat, tassunga ilanngullugu usit imaluunniit oqimaaloquttat umiarsuaranut imaluunniit puttasuliatut sullivilianut nuunneqarsinnaanerannut periarfissat,
- 4) orsussamaatip suussusaa, annertussusaa aamma inissisimanagera,
- 5) piffissaq pisoqarfiusoq,
- 6) umiarsuup, silaannakkut angallatip imaluunniit puttasuliatut sulliviliap sumiissusaa, toraagaa aamma sukkaassusaa, pisup pinerani,
- 7) umiarsuup, silaannakkut angallatip imaluunniit puttasuliatut sulliviliap toraagaa aamma sukkaassusaa, pisup kingorna imaluunniit, umiarsuaq imaluunniit puttasuliatut sulliviliaq ikkarlissimappat, siuani kinguanilu itsinera,
- 8) umiarsuup, silaannakkut angallatip imaluunniit puttasuliatut sulliviliap kingullermik aallarnera kiisalu piffissaq aamma piffik naatsorsuutigisaaq qaninnerpaamut tikiffissamut,

- 9) anoraagajunnerusut, immap pissuserigajunnerusaa aamma sarfap pissusigigajunnerusai kiisalu isikkiviginnera,
- 10) pisup qanoq issusaa, peqputaa kiisalu ingerlanera, tassunga ilaalluni ajoqusernerusimasinnaasup sumiinnera, aamma imaajarnerusimasinnaasup ingerlaannarnera,
- 11) pissutsit atuuttut umiarsuup, silaannakkut angallatip, puttasuliatut sulliviliap imaluunniit sulluliup aqqutissap qanoq issusaanut tunngasut,
- 12) pissutsinut qanoq iliuseqarnissamut malittarisassat suut aallartinneqarsimanersut imaajanngitsoortinniarlugu imaluunniit imaajarnera killilersimaarniarlugu,
- 13) qanoq annertutigisumik ikiorteqarnissamik qinnuteqartoqarsimanersaq imaluunniit pissarsisoqarsimanersaq,
- 14) raatiup maligaasai imaluunniit kanali sorleq naalaarneqassanersaq,
- 15) umiarsuup, silaannakkut angallatip, puttasuliatut sulliviliap imaluunniit sulluliup aqqutissap piginnittua, atuisua aamma piffimmi qaninnerpaami agentia, aamma
- 16) umiarsuup, silaannakkut angallatip, puttasuliatut sulliviliap imaluunniit sulluliup aqqutissap sillimaserneqarsimaneranut pissutsit pillugit paasissutissat, tassunga ilanngullugu sillimmasiisarfik.

*Imm. 2. § 2, imm. 1-imi pisuni taaneqartuni nalunaarneq aamma imaqassaaq paasissutissanik ersarissunik pinngoqqaatit pillugit, imaararsimasut, imaluunniit imaarnissaat ulorianaateqartoq, tassunga ilaallutik*

- 1) pinngoqqaatinik ersarissumik nalunaarineq imaluunniit allaaserinninneq, tassunga ilaalluni teknikkikkut taaguutaat eqqortoq,
- 2) nalunaarineq imaluunniit eqqoriaaneq pinngoqqaatit annertussusaannik, kimittussusaannik aamma qanoq innerisa ilimanassusaat,
- 3) kuussimasup siammarsimanerata aamma aalanerata allaaserinera, aamma
- 4) pinngoqqaatinik tigusisussap, niuisisup, nassiussisup imaluunniit tunisassiortup aqqanik nalunaarineq.

*Imm. 3. Nalunaarneq ilaneqassaaq, pissutsit ingerlaarneranni allanngortoqarpat, nalunaarutigineqarsimasuniit.*

*Imm. 4. Ilisimasortamit nalunaarut imaqassaaq paasissutissanik imm. 1-3-mi taaneqarsimasunik, ilisimasortap ilisimasaanik imaluunniit ilisimasariaqaraanik.*

**§ 8. § 2, imm. 2-imi pisuni taaneqartuni nalunaarneq imaqassaaq paasissutissanik tamanik, § 5-imi oqartussat taaneqartut pisumut naliliinerannut sunniuteqarsinnaasunik, tassunga ilanngullugit paasissutissat uku pillugit**

- 1) umiarsuup, silaannakkut angallatip imaluunniit puttasuliatut sulliviliap aqqa, angarlarsimaffia aamma nunat tamat akornanni raatiukkut attaveqarnermi taaguutaa,
- 2) piffissaq paasisaqarfiusoq,
- 3) kuussimasup alaatsinnaanneqartup sumiissussaa aamma siaruaassimanera,
- 4) pinngoqqaatit sorliunersut, kuussimasut aamma annertussusaat ilimagineqartoq,
- 5) kuussimasooq suminnganneernersaq, aamma
- 6) piffissami paasisaqarnermi anoraagajunnerusut, immap pissuserigajunnerusaa aamma sarfap pissusigigajunnerusai kiisalu isikkiviginnera.

**§ 9. § 2, imm. 3 tunngavigalugu kiversaaneq pillugu nalunaaruteqarneq, uku pillugit paasissutissanik imaqassaaq**

- 1) umiarsuup, silaannakkut angallatip imaluunniit puttasuliatut sulliviliap aqqa, angerlarsimaffia aamma nunat tamat akornanni raatiukkut attaveqarnermi taaguutaa,
- 2) piffissaq kiversaafiusoq,

- 3) umiarsuup, silaannakkut angallatip imaluunniit puttasuliatut sulliviliap sumiissusaa, kiversaanerup pinerani,
- 4) pinngoqqaatit aamma atortut kiversarneqartut suussusaat aamma annertussusaat,
- 5) anoraagajunnerusut, immap pissuserigajunnerusaa aamma sarfap pissusigigajunnerusai kiisalu isikkiviginnera,
- 6) kiversaanermi suleriaaserisimasaq, aamma
- 7) kiversaanerup ingerlanneqartariaqarsimaneranut peqqutaasut.

**§ 10.** § 2, imm. 3 tunngavigalugu ikuallaaneq pillugu nalunaaruteqarneq, uku pillugit paasissutissanik imaqassaaq

- 1) umiarsuup, silaannakkut angallatip imaluunniit puttasuliatut sulliviliap aqqa, angarlarsimaffia aamma nunat tamat akornanni raatiukkut attaveqarnermi taaguutaa,
- 2) piffissaq ikuallaaviusoq,
- 3) umiarsuup, silaannakkut angallatip imaluunniit puttasuliatut sulliviliap sumiissusaa, ikuallaanerup pinerani,
- 4) pinngoqqaatit aamma atortut ikuallanneqartut suussusaat aamma annertussusaat,
- 5) anoraagajunnerusut, immap pissuserigajunnerusaa aamma sarfap pissusigigajunnerusai kiisalu isikkiviginnera,
- 6) ikuallaanermi suleriaaserisimasaq,
- 7) ikuallannerup sunniutai, aamma
- 8) imaani ikuallaanerup ingerlanneqartariaqarsimaneranut peqqutaasut.

**§ 11.** § 2, imm. 6 aamma 7-imi pisuni taaneqartuni nalunaarneq imaqassaaq paasissutissanik tamanik, § 5-imi oqartussat taaneqartut pisumut naliliinerannut sunniuteqarsinnaasunik, tassunga ilanngullugit

- 1) umiarsuup angarlarsimaffia aamma nunat tamat akornanni raatiukkut attaveqarnermi taaguutaa,
- 2) umiarsuup sumiissusaa, umiarsualivik usilersorfia aamma tikiffiginiagaa,
- 3) mingutsitsinerup imaluunniit sarfaatitittup alaatsinnaanneqartup sumiissusaa aamma siaruaassimanera,
- 4) adresse, usiusinnaasut ulorianartut imaluunniit mingutsitsinartut umiarsuarmi angallanneqartut pillugit paasissutissanik pissarsiffigineqarsinnaasoq,
- 5) anoraagajunnerusut, immap pissuserigajunnerusaa aamma sarfap pissusigigajunnerusai kiisalu isikkiviginnera,
- 6) paasissutissat naleqquttut allat, IMO-p (International Maritime Organization) aalajangersagaani A.851-mi pineqartut (20) (taaguuteqartoq "General Principles for Ship Reporting Systems and Ship Reporting Requirements, including Guidelines for Reporting Incidents involving Dangerous Goods, Harmful Substances and/or Marine Pollutants"). Aalajangersagaq takuneqarsinnaavoq [www.blst.dk](http://www.blst.dk) –mi.

**§ 12.** § 3-mi pisuni taaneqartuni nalunaarneq imaqassaaq paasissutissanik tamanik, § 5-imi oqartussat taaneqartut pisumut naliliinerannut sunniuteqarsinnaasunik, tassunga ilanngullugit

- 1) umiarsuup angarlarsimaffia aamma nunat tamat akornanni raatiukkut attaveqarnermi taaguutaa,
- 2) umiarsuup, silaannakkut angallatip puttasuliatut sulliviliap imaluunniit sulluliup aqutissiap sumiissusaa,
- 3) avatangiisinik ajoqusiinerup imaluunniit ajoqusiisoqarnissaanut aarlerinartup alaatsinnaanneqartup sumiissusaa aamma siaruaassimanera,

- 4) avatangiisinik ajoqusiinerup imaluunniit ajoqusiisoqarnissaanut aarlerinartup pinerani piffissaq,
- 5) umiarsuup, silaannakkut angallatip, puttasuliatut sulliviliap imaluunniit sulluliup aqqutissap sillimmaserneqarsimaneranut pissutsit pillugit paasissutissat, tassunga ilanngullugu sillimmasiisarfik, aamma
- 6) anoraagajunnerusut, immap pissuserigajunnerusaa aamma sarfap pissusigigajunnerusai kiisalu isikkiviginnera.

**§ 13.** § 4-mi pissutsini taaneqartuni nalunaarneq imaqaassaaq paasissutissanik tamanik, Søværnets Operative Kommandop pisumut naliliineranut sunniuteqarsinnaasunik, tassunga ilanngullugit

- 1) kuussimasup alaatsinnaanneqartup sumiissussaa aamma siaruaassimanera,
- 2) pinngoqqaatit sorliunersut, kuussimasut aamma annertussusaat ilimagineqartoq,
- 3) anoraagajunnerusut, immap pissuserigajunnerusaa aamma sarfap pissusigigajunnerusai, aamma
- 4) kuussimasoq suminngaanneersoq.

**§ 14.** §§ 2-4-mi pisuni taaneqartuni inuit taaneqartut aamma umiarsualiviup siulersuisui piunaffigineqarnermik kingorna § 5, imm. 1 aamma 2-mi oqartussat taaneqartut kiisalu nunani allani oqartussaasut, § 5, imm. 3 naapertorlugu paasissutissanik tigusaqarsimasut, paasissutissat tamanik tunissavaat, imarmik mingutsitsinerup akiorniarneranut imaluunniit pinngitsoortinniarneranut iliuttsinik aallartitsinissaannut sunniuteqartussanik.

## Kapitali 2

### *Pineqaatissiineq*

**§ 15.** Inatsisit ilaai malillugit sakkortunerusumik pineqaatissiisoqarnissaa pissutissaqartinneqanngippat akiliisitaasussanngortinneqassaaq, imaaliortoq

- 1) §§ 2-6 malillugu nalunaaruteqanngitsoortoq,
- 2) §§ 7-13-imi piunasaqaataasunik paasissutissanik tamanik tunniussinngitsoq, imaluunniit
- 3) § 14-imi qinnuteqaatigineqartut pillugit paasissutissanik tunniussinngitsoq.

*Imm. 2.* Pineqaatissiineq qaffanneqarsinnaavoq ukiuni 2-ni parnaarussinngorlugu, unioqqutitsineq piaaraluneerneruppat imaluunniit mianersuaalliorujussuarneruppat, aamma unioqqutitsinermi

- 1) avatangiisit ajoquserneqarsimappata imaluunniit tamatumunnga ulorianartorsiortitaasimappata imaluunniit
- 2) namminermut imaluunniit allanut aningaasaqarnikkut iluaqutissarsimaneq imaluunniit iluaqutissarsiniarsimaneq, tassunga ilaalluni sipaarniuteqarnikkut.

*Imm. 3.* Ingerlatseqatigiiffiit il.il. (inatsisit naapertorlugit ataatsimut ingerlanneqartut) pineqaatissiissutitigut akisussaatinneqarsinnaapput pineqaatissiisarnermik inatsisit kapitaliisa tallimaat malillugu.

*Imm. 4.* Imm. 2 aamma 6 nunat allamiut umiarsuaanut unioqqutitsisunut atuutinngilaq, unioqqutitsineq imartat killeqarfiisa iluanni pisimanngippat. Unioqqutitsineq nunat allamiut umiarsuaanit piliarineqartoq imartat killeqarfiisa avataanni pisimappat pineqaatissiineq qaffanneqarsinnaavoq ukiuni 2-ni parnaarussinngorlugu, uani pineqarpata piaaraluuneerineq aamma immatigut avatangiisinik mingutsitsineq ilungersunartoq.

*Imm. 5.* Inatsisit ilai malillugit sakkortunerusumik kinguneqartitsinissamut pissutissaqartoqanngippat, Kalaallit Nunaanni pinerluttulerinermik inatsit malillugu

akiliisitassanngortitsisoqassaaq, Kalaallit Nunaanni imm. 1-imi aalajangersakkanik taaneqartunik unioqquitsisoq.

*Imm. 6.* Imm. 1-imi aalajangersakkanik taaneqartunik Kalaallit Nunaanni unioqquitsineq kinguneqartinneqarsinnaavoq Kalaallit Nunaanni pinerluttulerinermik inatsit malillugu pineqaatissinneqarnermik, unioqquitsineq piaaraluneerneruppat imaluunniit mianersuaalliorujussuarneruppat, aamma unioqquitsinermi

- 1) avatangiisit ajoquserneqarsimappata imaluunniit tamatumunnga ulorianartorsiortitaasimappata imaluunniit
- 2) namminermut imaluunniit allanut aningaasaqarnikkut iluaqutissarsimaneruppat imaluunniit iluaqutissarsiniarsimaneruppat, tassunga ilaalluni sipaarniuteqarnikkut.

*Imm. 7.* Kalaallit Nunaanni unioqquitsinernut, aktieselskabinit, andelsselskabinit, anpartsselskabinit assigisaannilluunniit unioqquitsinerusut pillugit ingerlatseqatigiiffik taamatut akiliisussanngortitaasinnaavoq Kalaallit Nunaanni pinerluttulerinermik inatsit malillugu.

*Imm. 8.* Unioqquitsineq Namminersornerullutik Oqartussanit, kommunimit imaluunniit kommuneqarfiit kattuffiannit, kommunalbestyrelsit nunaqarfinnilu aqutsisut il.il. pillugit Inatsisartut inatsisaanni § 64-imi pineqartut, unioqquitsinerusut pillugu Namminersornerullutik Oqartussat, kommuni imaluunniit kommuneqarfiit kattuffiat akiliisussanngortitaasinnaapput Kalaallit Nunaanni pinerluttulerinermik inatsit malillugu.

### Kapitali 3

#### *Atuutilerpera il.il.*

**§ 16.** Manna nalunaarut atuutilerpoq ulloq 1. juli 2008.

*Imm. 2.* Immatigut avatangiisinik mingutsitsinaveersaarnissaq pillugu inatsit naapertorlugu nalunaaruteqartarneq pillugu nalunaarut nr. 771, 24. oktober 1998-imeersoq atorunnaarsinneqarpoq.

*Imm. 3.* Nalunaarutip Kalaallit Nunaannut atuutilernissaanut piffissamik miljøministeri aalajangiissaaq. Immatigut avatangiisinik mingutsitsinaveersaarnissaq pillugu inatsit naapertorlugu nalunaaruteqartarneq pillugu nalunaarut nr. 29, 9. januar 1999-imeersup Kalaallit Nunaannut atuutilerpera pillugu nalunaarut Kalaallit Nunaannut atuutiinnassaaq, miljøministerip matuminnga nalunaarummik Kalaallit Nunaannut atuutilersinnissaata tungaanut.

**§ 17.** §§ 3 aamma 12 Kalaallit Nunaannut atuutinngilaq.

*Miljøministeria, ulloq 18. juni 2008*

TROELS LUND POULSEN

/ Helle Pilsgaard

1) Nalunaarut aalajangersakkanik imaqarpoq, Fællesskabimi umiarsuarnik angallannermut angallannermik nakkutilliinermik aamma angallannermik paasissutissiisarnermik aaqqissuusineramik pilersitsineq pillugu Europa-Parlamentip aamma Rådep malitassiaasa ilaannik naammassisanik 2002/59/EF 27.juni 2002-meersumik aamma 93/75/EØF (EF-Tidende 2002 nr. L 208, qupp. 10)-imik Rådep malitassiaanik atorunnaarsitsineq aamma pinaveersaartitsinernut aamma avatangiisinik ajoqusiinermik suliani ikiorsiinernut tunngasuni avatangiisinut akisussaaffeqarneq (EF-Tidende 2004 nr. L 143, qupp. 56) pillugu Europa-Parlamentip aamma Rådep malitassiaasa ilaai 2004/35/EF 12. april 2004-meersumik.